



13 Jun 2016
13 June 2016
P.U. (A) 162

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH CUKAI PENDAPATAN (PENGECCUALIAN) (NO. 9) 2016

INCOME TAX (EXEMPTION) (NO. 9) ORDER 2016



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA CUKAI PENDAPATAN 1967

PERINTAH CUKAI PENDAPATAN (PENGECUALIAN) (NO. 9) 2016

PADA menjalankan kuasa yang diberikan oleh perenggan 127(3)(b) Akta Cukai Pendapatan 1967 [*Akta 53*], Menteri membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Cukai Pendapatan (Pengecualian) (No. 9) 2016**.

(2) Perintah ini disifatkan telah mula berkuat kuasa pada 13 Jun 2008.

Tafsiran

2. Dalam Perintah ini—

“Majlis Pembangunan Wilayah Ekonomi Pantai Timur” ertinya majlis yang ditubuhkan di bawah Akta Majlis Pembangunan Wilayah Ekonomi Pantai Timur 2008 [*Akta 688*];

“taman perindustrian” ertinya suatu taman perindustrian dalam Wilayah Ekonomi Pantai Timur;

“Wilayah Ekonomi Pantai Timur” mempunyai erti yang sama yang diberikan kepadanya dalam Akta Majlis Pembangunan Wilayah Ekonomi Pantai Timur 2008;

“zon bebas” ertinya mana-mana kawasan yang terletak dalam Wilayah Ekonomi Pantai Timur yang diisytiharkan sebagai suatu zon perdagangan bebas atau zon perindustrian bebas di bawah Akta Zon Bebas 1990 [*Akta 438*].

Orang yang layak

3. (1) Orang yang layak yang disebut dalam Perintah ini ialah—

(a) pengurus pembangunan, iaitu suatu syarikat—

(i) yang diperbadankan di bawah Akta Syarikat 1965 [Akta 125] dan bermastautin di Malaysia;

(ii) yang diluluskan oleh Menteri; dan

(iii) yang dilantik oleh pemaju yang diluluskan untuk menjalankan aktiviti yang layak; atau

(b) pengurus taman, iaitu suatu syarikat—

(i) yang diperbadankan di bawah Akta Syarikat 1965 dan bermastautin di Malaysia;

(ii) yang diluluskan oleh Menteri; dan

(iii) yang menjalankan aktiviti yang layak.

(2) Pemaju yang diluluskan yang disebut dalam subsubsubperenggan (1)(a)(iii) ialah suatu syarikat—

(a) yang diperbadankan di bawah Akta Syarikat 1965 dan bermastautin di Malaysia;

(b) yang diluluskan oleh Menteri;

(c) yang membeli atau memperoleh apa-apa hak atas sebahagian atau keseluruhan tanah dalam Wilayah Ekonomi Pantai Timur; dan

(d) yang menjalankan pembangunan—

(i) suatu taman perindustrian yang diluluskan oleh Majlis Pembangunan Wilayah Ekonomi Pantai Timur; atau

(ii) suatu zon bebas.

Aktiviti yang layak

4. (1) Aktiviti yang layak yang disebut dalam Perintah ini ialah aktiviti yang dinyatakan dalam subperenggan (2)—

(a) yang belum dijalankan dalam Wilayah Ekonomi Pantai Timur pada tarikh permohonan yang disebut dalam subperenggan 5(3) dibuat; atau

(b) yang telah dijalankan dalam Wilayah Ekonomi Pantai Timur tidak lebih daripada satu tahun sebelum tarikh permohonan yang disebut dalam subperenggan 5(3) dibuat,

dan yang diluluskan oleh Menteri.

(2) Aktiviti yang disebut dalam subperenggan (1) ialah—

(a) berhubung dengan pengurus pembangunan, aktiviti berkenaan dengan penyediaan perkhidmatan pengurusan, penyeliaan atau pemasaran yang berhubungan dengan pembangunan suatu taman perindustrian atau zon bebas; atau

(b) berhubung dengan pengurus taman, aktiviti berkenaan dengan penyediaan perkhidmatan pengurusan taman termasuk penyenggaraan, pemasaran dan sewaan kemudahan bersama dan perkhidmatan utiliti dalam taman perindustrian atau zon bebas.

Pengecualian

5. (1) Menteri mengecualikan orang yang layak dalam tempoh asas bagi suatu tahun taksiran daripada pembayaran cukai pendapatan berkenaan dengan pendapatan berkanun yang diperolehi daripada suatu aktiviti yang layak.

(2) Pengecualian yang disebut dalam subperenggan (1) adalah bagi tempoh sepuluh tahun taksiran berturut-turut bermula dari tahun taksiran pertama orang yang layak memperoleh pendapatan berkanun daripada aktiviti yang layak, yang disebut “tahun-tahun taksiran yang dikecualikan” dalam Perintah ini.

(3) Permohonan bagi pengecualian di bawah Perintah ini hendaklah dibuat kepada Menteri melalui Majlis Pembangunan Wilayah Ekonomi Pantai Timur pada atau selepas 13 Jun 2008 tetapi tidak lewat daripada 31 Disember 2020.

(4) Pengecualian yang diberi di bawah Perintah ini adalah tertakluk kepada orang yang layak mematuhi semua syarat yang dikenakan oleh Menteri berhubung dengan pengecualian itu.

(5) Tiada apa-apa dalam subperenggan (1) boleh melepaskan atau disifatkan telah melepaskan orang yang layak itu daripada mematuhi apa-apa kehendak untuk mengemukakan apa-apa penyata atau penyata akaun, atau memberikan apa-apa maklumat lain, di bawah Akta.

Pendapatan berkanun

6. (1) Tertakluk kepada subperenggan (2), pendapatan berkanun yang disebut dalam subperenggan 5(1) dalam tempoh asas bagi setiap tahun bagi tahun-tahun taksiran yang dikecualikan hendaklah ditentukan selepas memotong elaun yang boleh diberi di bawah Jadual 3 kepada Akta walaupun tiada tuntutan bagi elaun itu telah dibuat.

(2) Jika suatu bangunan, kilang, jentera atau loji digunakan bagi maksud suatu aktiviti yang layak juga digunakan bagi maksud suatu aktiviti selain aktiviti yang layak, maka amaun elaun yang boleh diberikan di bawah Jadual 3 kepada Akta